

金嘉漱

華禾
水

遊百

錄咏誌





澗 水 誌

常 棠 撰

叢書集成初編

(補印本)

激水誌及其他二種

一九三九年十二月初版
一九五九年十月補印

商務印書館出版

上海虹口印刷廠印刷

海鹽澉水誌序

嘗謂六典不作無以考周家風土之厚薄民物之耗豐圖籍不收無以知秦人山川之振塞戶口之強弱此澉水之誌不可無也澉水斗大一隅厥土斥鹵凡丘源之流峙稅賦之重輕道塗之遐邇聚廬之衆寡與夫選舉名數先賢遺跡素乏圖經茫無可考叔韶效官于茲甫及半禩正欲搜訪輿理爲紀載吏事鞅掌未暇也竹牕常棠字召仲寓居是鎮一日告余曰郡有嘉禾誌邑有武原誌其載澉水之事則甚畧焉使不討論聞見綴緝成編則

何以示一鎮之指掌於是正訂稽考集作一經名
曰澉水誌澉水者蓋水經所載谷水流出爲澉浦
者是也召仲其容辭紹定三年重陽前一日修職
郎監嘉興府海鹽縣澉浦鎮稅兼煙火公事羅叔
韶序

常竹牕修海鹽澈水誌目錄

卷上

地理門

沿革

風俗

戶口

賦稅

水陸程

山門

灣附

水門

堰關

廨舍門

坊巷門

坊場門

軍寨門

亭堂門

橋梁門

學校門

寺廟門

古跡門

物產門

卷下

碑記門

詩詠門

常竹牕修海鹽澈水誌上 鹽邑志林第十五帙

鄭端胤

明黃岡樊維城彙編

後學姚士麟訂閱

劉祖鐘

總叙

按乾道文書令諸犯

聖祖名 廟諱 御名正字皆避若遇書籍及傳

錄舊事則爲字不成

地理門

沿革

澉浦舊屬會稽元和郡誌云禹貢揚州之地周時
吳泰伯置城爲越所并漢順帝永建四年陽羨令
周喜上書遂分浙江東爲會稽郡西爲吳郡輿地
廣記云秦置海鹽縣屬會稽郡吳越時分境于樵
李樵李今屬嘉興縣界以此考之澉浦乃古越地
石晉時吳越錢氏奏置秀州始隨分隸又水經云
東南有秦望山傍有谷水流出爲澉浦秦望山在
會稽及鮑郎場十竈九在秀而一在越是知澉浦
古隸紹興而今隸嘉興

風俗

輿地廣記云古揚州地人性輕揚尚鬼好淫祀此方不事田產無倉廩儲蓄好侈靡喜樓閣惟招接海南諸貨販運浙西諸邦網羅海中諸物以養生水鹹地濕俗僭

形勢

鎮南鎮西諸山峻秀東與北多低矮白山不種林木東枕大海相望秦駐蹕山實爲嶮要

戶口

戶口約五千餘主戶少而客戶多往來不定口尤難記

稅賦

隸縣之德政鄉田肥稅重惟石帆秦山二村在鎮東海邊多致陷沒

鎮名

唐開元五年張廷畦奏置

按水經云秦望山谷水流出爲激浦因名

鎮境

東西一十二里南北五里

武原誌云周回二里半紹興間人民稀少今煙

火阜繁生齒曰衆故不止此

四至八到

東至海岸邊海界 西至六里堰近潮村界

南至篠山邊海界 北至官草蕩新浦橋界

東南到葛母山界 西南到鹽官靈泉鄉界

東北到秦駐山界 西北到鮑郎浦界

水陸路

水路西去海鹽縣四十里北去嘉興縣九十里陸路東去海鹽縣三十六里南去鹽官縣八十里

山門

長墻山在鎮東三里高八十丈周圍十九里山之阿有黃道祠山之下有造船塲山之巔立烽燧山之外捍大海秦始皇東遊登山望海以其孤聳遙

望如堵墻因名 葫蘆山在鎮西南四里四望絕
在海中如葫蘆出沒之狀潮生潮退葫蘆自若

篠山在鎮東南六里 秦駐山在鎮東北一十五

里有始皇廟下有聚落有荒草蕩俗謂秦駐塢始
皇東遊曾住此山 沈氏山在鎮東北五里 半

潮山在鎮東北五里 青山在鎮東三里爲鎮市
之主山下有屠環智墓 廟山在鎮西北三里地

名礪頭上有礪王土地廟 澤山在鎮西南五里

黃毛山在鎮西北四里

右十山不種林木官給
亭戶養草煎鹽之所

蒼山在鎮西北五里上有普明院及有朱令公廟

陸墓山在鎮西北五里因姓得名 石屋山在

鎮西北五里上有石壘成屋舊傳黃巢時民避兵

處 楊山在鎮西北六里 碧里山在鎮西北九

里 吳家山在鎮西四里

右六山不種林木百姓牧養牛羊處所先是亭

民百姓互爭柴山自五代至本朝有訟屢經御判人以石匣貯文以藏于地二百年初無定屬每歲交鋒山上殺死不已淳熙十一年倉使石檢詳起宗委幹辦公事常于公暇採輿論參酌予奪各分定界永爲不易之論具奏 上悅由是息爭 譚家嶺山在鎮西南十

里與臨安府鹽官縣黃灣交界上有譚仙廟 泊

櫓山在鎮西三里高冠諸山輿地誌云始皇渡海

泊櫓此山因名舊傳昔海舟泊此山下後沙漲接

鎮境 荆山在鎮西南五里 佑永安湖之勝山有
悟空寺寺有五顯靈官廟其感應通靈 葛母山
在鎮南五里 橫山在鎮西三里 柵橋上 颺山
在鎮西南五里 永安湖側 月山在鎮西三里 堰
下 竇家山在鎮西三里 鳳凰山在鎮西南二
里 吳家山在鎮西南三里 鷄籠山在鎮西南
五里 馬鞍山在鎮西北五里 金牛山在永安
湖西北 塘灣在鎮東市中捍海岸也後聚居其
上遂爲市井 棊子灣在鎮東長墻山外 羅漢
灣在鎮西泊櫓山側 慈竹灣在鎮南二里 細

柳灣在鎮西三里 竇家灣在鎮西竇家山上
張灣在鎮西南六里堰上 蔡灣在鎮西南孫家
堰南 南姚灣在鎮西北五里 北姚灣在鎮東
北五里 西陳灣在鎮西北黃毛山背 東陳灣
在鎮西北石屋山側 夏灣在鎮東北八里 陸
吳灣在鎮西北五里 橫山灣在泊櫓山前 徐
灣在柳家橋南 邵灣在六里堰下 張搭在鎮
市塘上古捍海櫓岸後民旅聚居其上爲市今俗
呼白塘上 陸搭在六里堰下 沈搭在鎮市南
鴉鵲墓在陸搭客船不上岸者多在于此泊舟

爲埠頭

水門

海在鎮東五里東達泉潮西通交廣南對會稽北
接江陰許浦中有蘇州洋遠徹化外西南一潮至
浙江名曰上潭自浙江一潮歸泊黃灣又一潮到
鎮岸名曰下潭東北十二里名曰白塔潭可泊舟
帆亦險要處雖在激浦金山兩軍之間相去隔遠
夜暮緩急卒難應援昔日 朝廷欲立巡檢寨今
激浦水軍置舖于此 招寶塘在鎮市中海濱高
峻易涸易盈淳熙九年奉御筆命守臣趙善悉相

視重濬面濶三丈底濶二丈一尺深五丈市鎮止
有此一運渠 永安湖在鎮西南五里周圍十二
里元以民田爲湖儲水灌溉均其稅於湖側田上
稅雖重而田少旱四圍皆山中間少堤春時遊人
競渡行樂號爲小西湖 東浦在鎮東大海透入
東北礪頭潮入汲煮鹽 鮑郎浦在鎮西北十二
里古老云昔鹽場開基于此有姓鮑者鑿浦煮鹽
因名曰鮑郎者吳俗女夫之通稱也後沙漲移入
東浦側紹興經界爲田是浦接連招寶塘爲河至
今俗呼爲鮑郎浦又按南史孫恩作亂海鹽令鮑

陋遣子嗣之追奔陷没于此 放生池南渡以來
本鎮勸亭于海瀕收稅卽今之弦風亭也亭之東
鑿小湫每遇 聖節鎮官率合鎮見任寄居文武
兩班于此祝聖放生 艮澤黃道山下枕龍眼潭
泊舟處地勢高峻客旅居民無井可汲山之腰有
泉源先是廟僧善機用工浚鑿以濟汲用淳祐十
一年統制邢子政開廣立屋三間因扁斯名 六
里堰在鎮西六里高下相去數仞爲惠商激浦石
帆三村灌田隄防之所緣舟船往來實爲入鎮門
戶因置車索合屬本鎮提督 三里堰在鎮西三

里元無此堰淳祐九年六月大旱居民沿河私捺
小堰至水通諸堰悉復毀去獨此堰爲居民私置
車索邀求過往久爲定例然軍船之往來鹽場之
綱運酒庫之上下與夫稅務諸場之版解商旅搬
載海岸南貨別無他岐河流易涸實爲不便況此
方既有六里堰足以防閉水利此堰贅立委是爲
害淳祐十年茶院酒官朱南杰申縣開掘濟利一
方但提督諸堰實隸鎮官常宜覺察重捺邀求之
弊 孫家堰在鎮西南四里 沈家堰在鎮西南
半里 北湖堰在鎮西南蔡灣側 鎮閘在鎮市

中今隸鎮官司

解舍門

鎮解昔鹽場兼職嘉定十四年察院羅君相請分
專員紹定六年羅叔韶始買丁橋東民地以剏解
鮑郎鹽場解在通江橋側 巡檢解在安德橋
側

坊巷門

阜民坊在鎮前街西 張家街在鎮市北 張搭
街在鎮市南 義井巷在鎮市南 塘門街在鎮
市南 廣福坊在鎮前街東 馬官人街在鎮市

南 海鹽衙在鎮市北

坊場門

澈浦稅場係鎮官兼職嘉定十四年朱府修鹽場
得舊額有騎都尉監澈浦鎮稅兼鮑郎鹽場大觀
二年重修字朱府以前却以鮑郎鹽場兼澈浦鎮
稅煙火公事繫衙至是始分專員 鮑郎鹽場東
亭元立竈南亭四竈緣東亭人貧額重南亭人多
盤少嘉定十四年十二月申明倉臺移東亭一盤
過南亭添作五舍東亭減作四舍 戶部犒賞子
庫酒庫昔在瓊城後遷茶院去鎮西一十二里紹

興初有鞠姓者抱倅廳緡錢繼屬漕司庫官兼之
因立子庫于市淳祐八年增剏新樓 市舶場在
鎮東海岸淳祐六年創市舶官十年置場 抽解
竹木舊係監鎮提督抱納漕司竹木錢淳祐四年
漕使表右司差專官下鎮抽解自後爲例鎮官無
預抽解抱納錢如故雇發 鐵布軍需場鐵布舊
屬鎮稅淳祐九年浙西安撫司差官下鎮置局

軍寨門

水軍寨在鎮東海岸淳祐間撥許浦水軍百人於
長墻山下歲易一戍開禧丙寅統制王復古置寨

隸殿司 巡檢營在鎮市浦東

亭堂門

弦風亭在海岸卽鎮官收稅之地紹熙間監鎮葉
樾創名曰觀瀾寶慶三年監鎮趙潛夫改今名
宣詔亭在鎮前端平元年監鎮張思齊立 閱武
亭在長墻山上王復古立 時阜堂卽鎮解之東
廳監鎮傅朋壽扁斯名 秀野堂在鮑郎場西側
美固堂在水軍寨淳祐九年統制邢子政立

橋梁門

跨浦橋在鎮東浦上 新橋在鎮東五里 閘橋

在鎮市中 丁家橋在鎮解前 通江橋在鮑郎
塲前 鴻橋在鎮市北浦上 西石橋在鎮市西
犒賞子庫側過橋南爲入永安湖路 鹽倉橋在
鎮西橋下水通礪頭鹽倉舍 安得橋在巡檢解
側 柵橋在鎮西三里本鎮纂節發引收稅之處
望湖橋在鎮西南五里地至澈墅西通永安湖
東至海岸中分水脉至錢家港入鎮市 戴家橋
與望湖橋爲八字橋下南至東王村通海岸北通
孫家堰 新浦橋在鎮北二里入縣路上 張公
橋在六里堰下本鎮運河水脉至此始分爲二由

橋側上西南王家庄到茶園通港由橋下入西北
火燒涇到通玄通港然皆淺狹易涸欠浚鑿金
家橋在鎮西北六里客旅巨舟重販者多於此泊
入鎮貿易復歸解纜孫老橋在六里堰下或遇
淺涸客貨多以步擔運於此發舟

學校門

鎮學昔時未有嘉定十一年鎮官徐之紀繪夫子
像就禪悅教院行舍菜禮自後歲節冬至于此序
拜鄉飲

寺廟門

禪悅教院在市中元祐二年僧惠林建施水院建
炎元年請到院額實本鎮祝聖行香處 悟空寺
在鎮西南荆山建隆二年僧德升開山爲永安寺
治平元年賜額 祐福禪菴在鎮市浦東寶祐二
年僧永固開山建觀音殿及塑菩薩像爲焚修所
接延雲水棲止安禪 廣慧禪院在金粟山下
國初錢武肅王賜號施茶院祥符元年改今額
永福教院在鎮市浦東乾道元年僧普澄建觀音
院爲焚修所後爲徑山接待院 普明院在鎮西
北五里若山周顯德六年僧實強立觀音院治平

元年得額 東岳行祠在鎮市東北建炎間有白
猿出入神馬驅馳毛巡檢夢神曰何不荆嶽祠毛
乃於營側立祠每歲暮春諸鄉民社祈求豐稔感
應如響 張帝廟在鎮南市嘉泰三年立紹定三
年重建後泊戶以廟門爲酒肆寶祐二年監鎮張
焯與茶院陶監酒拆去酒店立李太尉小殿對廟
門以免穢雜 眞武祠在澈市浦東淳祐五年鎮
守澈浦鎮統領水軍南京指揮尚景捨貲塑眞武
像并龍虎君 醫靈祠在鎮之東青山西南側王
家畝之西開熙三年里人孟毅夢神呼曰吾閩中

吳真君當食此方福祐斯民晨見海中有一神主
浮海至岸遂居于側毅因捨基剏殿尊奉後閩商
繪像傳塑俱祈療病者甚驗四方咸集遂成叢林
顯應侯廟元在長墻山後石帆村因海廢此村
半陷爲潮遷出山頭建炎三年僧若中開山俗呼
爲黃道大王寶慶三年都運諸大卿請到廟額黃
道大王不知何所從始或謂楚黃歇封于吳其子
隱海邊脩道石帆村旣廢爲海歲久因循無所考
究或謂古有姓黃人居山後山以人而得名故就
稱爲黃道山神以山而得名故就稱爲黃道王嘗

觀東坡載儋耳山云里人呼爲山胳膊僞稱其神
爲鎮海王元豐五年七月始詔封山之神曰廣德
靈王初無姓名來歷今里人俗呼爲黃道大王至
寶慶始勅封顯應侯陸龜蒙云甌粵由椒水濱多
廟貌信夫廟中有神曰楊太尉尤爲靈異凡客舟
渡海祈禱感應如響意其亦是石帆村聰明正直
之人遵海而南無不尊敬 廣福廟在鎮東市廣
福坊側舊傳建炎間潮入東浦人于水際得木主
題曰廣福明王時人因祠爲當界土地沈氏捨基
爲廟至今每歲以得木主日爲生慶誕 吳越王

廟在鎮西南三里地名澁墅崇寧間立爲土地祠
今考吳越國王傳錢俶字文明祖鏐唐末據吳越
地俶嗣位至我朝宋雍熙元年改封吳越國王
今澁墅吳越地也意錢俶其神乎若以爲吳王夫
差越王句踐考其本傳吳王闔廬興師伐越越擊
吳敗於檣李射傷闔廬垂死告其子夫差曰必毋
忘越及吳圍越于會稽句踐請爲臣妾後越破吳
吳退棲姑蘇使公孫雍肉袒膝行請成於越越王
曰吾置王甬東吳王曰臣老矣不能事君王遂自
殺夫差以父闔廬之寃未報可謂不共戴天之讐

九泉下恨不食其肉又肯共廟血食乎今俗訛而
爲吳越二大王兼塑二王像非也嘗觀武林圖經
論忠清廟事舊制以夫差爲首祀與申胥並列特
所未喻疑其神未必爲夫差乃俗之傳訛也今吳
越祠亦類此

古跡門

龍眼潭在鎮東海口舊傳白龍窟於此今客舟艤
泊以待潮石帆在靈潭右聳若帆掛有神現其
上潮生帆不爲減潮退帆不爲增月霽則吐蚌珠
陰晦則耀神火舟觸必碎人莫能涉白龍母塚

在鎮東南長墻山後叢棘中每歲秋間白龍來視
母塚必然風雨大作 隱馬石在鎮西南舊傳有
馬隱入山中今石有人形馬形隊形之類 穿山
洞在長墻山外下臨大海石巖如洞俗呼爲穿山
洞有神曰陳都監 黃巢衙在六里堰左夾道陰
翳古老云黃巢聚兵處 金牛洞在黃巢衙南金
牛山下據武原舊誌云民人臯伯通兄弟逐金牛
入洞忽不見因名據郡誌與海昌圖經皆云臯蘇
二將上有二大王廟高宗南渡後祭文云義氣同
稟剛毅莫儔胡馬來此緣逐金牛牛沒尾掉空回

可羞拔劍自刎曾無怨尤人亡廟存英氣橫秋至今父老能道所由天子初郊典禮加優樽酒旣設清酌庶羞尚饗又據鹽官縣誌云按寰宇記昔吳楚間有金牛自毘陵奔此而沒因名洞深不可測當建炎初黃灣居民多避虜于此望夫石在永安湖仰天塢之右山巔有石磐磐側有立石昔日有海商失期不返其妻登磐望夫泣殞化而爲石因名石碑在六里堰西地名根竹有二石碑夾道而立高一丈五尺舊傳漢戚姬墓碑歲久磨滅茶磨山在黃巢街側周回山下有港港外周回

有城塹舊傳唐末黃巢伏兵處 秦王石橋柱在
秦駐山背舊傳沿海有三十六條沙岸九塗十八
灘至黃盤山上岸去紹興三十六里風清月白叫
賣聲相聞始皇欲作橋渡海後海變洗蕩沙岸僅
存其一黃盤山逸在海中橋柱猶存淳祐十年猶
有於旁灘潮裏得古井及小石橋大樹根之類驗
井磚上字則知東晉時屯兵處 王家畹在長墻
山下石帆村古田畹也今田廢爲海尚存數家生
聚於潮花鼓舞間

物產門

早稻名

雀奧

紅蓮

黃箭子

杷楹

烏絲糯

金州糯

百日子

金成

六十日子

雜穀

大麥

小麥

蕎麥

豆

油麻

稗

鶯粟

絲布

絹

綿

苧

麻

黃草

貨

鹽

花

芍藥

牡丹

茶蘼

木香

瑞香

紫笑

長春

水仙

薔薇

月丹

海棠

石榴

山茶

石竹

萱草

鳳仙

芙蓉

金沙

鷄冠

梔子

粉團

棠棣

玉簪

夜合

木樨

白鶴

佛手

雀梅

罌粟

金橙

荔春

芭蕉

聚仙

梅

桃

眞珠珮

李

杏

葵

菊

蘭

荷

苻 茶 槿

果

桃 梅 李 杏 梨 柿

橘 柚 蓮 棗 枇杷 林檎

榴 栗 葡萄 銀杏

菜

蘿蔔 冬瓜 甜瓜 菠稜 萵苣 苦蕒

山菰 茄 菘 芥 蕓薹 葱

莧 蒿 蕈 蕨 韭 蒜

鷄頭 芋頭 枸杞 胡蘿蔔

竹

筍

筴

紫

斑

筋

金

篾

木

松

桑

檜

栢

杉

柳

楮

椿

榆

棟

柘

楓

梧

桂

槐

檀

楊

朴

椒

楠

皂莢

烏桕

藥

菖蒲

連翹

茴香

韭子

杏仁

龍腦

槐花 半夏 枳實 瞿麥 紫蘇 荊芥

青蒿 良薑 牛膝 桑皮 赤小豆

車前子 枸杞子 香附子 天花粉

桑螵蛸 穀精草 麥門冬 黑牽牛

白殭蠶 香白芷 白茅根 密蒙花

紫蘇子 羊蹄根 淡竹葉 馬屁勃

海浮石 馬鞭草 白匾豆 地錦草

禽

鷹 鴈 鶴 鷗 鸞 鴉

鵲 鴿 鸞 雀 鳩 鷄

鴨 鵝 雉 鶩 百舌 啄木

杜鵑 竹鷄 布穀 野鴨

畜

牛 羊 犬 馬 鶩 鴨

鷄 猪 猫 狗 驢 騾

海味

鮑 鮑 鰲 鮫 鮫 鱔 鱸

梅 蠣 鰕 鰻 蛤 鮓

鱈 鮓 煙 現 銀魚 編

拳螺 香螺 淡菜 帶魚 鰻 鱔 蜆

白蟹 黃魮 土鐵 沙蟹 蚌蛤 老婆蟹

沙魚 海蜚 望潮魚

河味

鯽 鯉 鮎 鰻 銀 鱈

鰱 鱧 龜 蛙 鰕 蟹

黃頰 吐哺 白鱖 黑魚

常竹牕修海鹽澈水誌上終

常竹牕修海鹽澉水誌下 鹽邑志林第十六帙

鄭端胤

明黃岡樊維城彙編

後學姚士麟訂閱

劉祖鐘

碑記門

澉浦鎮題名記

東南財用大抵資煮海之饒海濱斥鹵牢盆相望而關市有征未能去也自郡邑外每因大聚落而置官司或至於兼二則其責彌重來者難之澉浦爲鎮隸秀之海鹽鮑郎在焉自鹽塲兼鎮稅課額

日廣居官者救過不給宣城胡君應雲之來會疆
事適殷已戍隨增兵民雜居其難視異時數倍迺
從容其間庀事無闕經入有羨于以補償舊政宿
逋裕如也行且滿考部內穉耄相帥上其治狀于
郡使者于臺于省欲借留之而不能得君淳熙丁
未進士一第二十年憂患屏居及是始筮仕未嘗
作滯淹之嘆而以平時講畫者次第出之廉以律
已勤以蒞官事不付之吏手薄征以惠行旅與亭
戶期約不失信義宜其上下相孚彼此交舉如此
然則爲政者豈不在人哉君受代有日詢訪昔之

官守者得一十九人列其姓氏而刻之石俾余書其端惟褚與君共登慈恩且居是邦因紀所見以告來者云君名從龍應雲其字也嘉定九年四月望日年末朝散郎宗正丞兼江淮創制置大使司叅謀官常褚記

陳南美

左文林郎紹興二十一年到任至二十五年滿

李格

左從政郎紹興二十五年到任至二十七年丁憂

林極

右文林郎紹興二十七年到任至三十年滿

袁藻

右迪功郎紹興三十年到任至三十一年罷

姚廷襄

左迪功郎紹興三十二年到任至乾道二年滿

沈大卿

左迪功郎乾道二年二月到任至五年六月滿

蔡興世

右修職郎乾道五年六月到任至八年八月滿

魏衡

右迪功郎乾道八年八月到任至淳熙二年六月替

林楠

迪功郎淳熙六年十月到任五年三月替

趙師名

迪功郎淳熙六年四月到任至九年

吳仁表

修職郎淳熙九年八月到任至十二年滿

高文慶

修職郎淳熙十一年八月到任至十五年滿

王子洪

從事郎淳熙十五年到任紹興二年八月替

葉越

文林郎紹興二年十二月到任至慶元元年二月滿

周焯

迪功郎慶元元年二月到任至七月丁憂

吳華國

承直郎慶元元年十二月到任至五年十月滿

王顯世

迪功郎慶元六年到任至嘉泰二年十月滿

曾晏

修職郎嘉泰二年十月到任至開禧元年四月滿

胡從龍

從事郎開禧元年四月到任至嘉定元年四月滿

詹駟

從職郎嘉定元年閏四月到任四年滿

劉三畏

迪功郎嘉定四年七月初三到任五年二月丁憂

葛挺之

迪功郎嘉定六年二月廿八到任九年滿

徐之紀

儒林郎嘉定九年四月十七到任十一年七月丁憂

賈岳

迪功郎嘉定十一年六月初九到任十四年十月滿

澈浦鎮新泐解舍記

鎮治舊是兼職元在安定橋西嘉定十二年內朝
紳有請增置靡有定寓或假民廬或泊僧舍因循
歲月已數政矣四明羅文林叔韶司鎮于此紹定
壬辰始置民產于丁家橋東旁有小港開而通之
逼于垂滿僅建正廳穿堂而已癸巳孟夏思齊實
爲之代亦僦氓廛以居慨念親民之官司旅之職
聽訟征稅觀瞻係焉曾未兩月亟廣前規鳩工度
財分毫不擾于民由是宣詔有亭戒石有銘榜示
有房俱列于外廊廡吏舍翼乎左右廳之夾屋分
爲二塾扁以肅賓倒屣闢廳側以爲帑外嚴公厨

恪奉錫宴添買鄰地以爲東廳四時花卉雜植于前中闢一戶以通東廡循披廊而趨則有看街之所由角門而入則有翫月之亭堂宇峻聳房室得宜東西小閣寒暖隨處以至庖漏之類纖悉備具申明前政郡守喜而給榜蠲其牙皂之資除其元輸之賦自落成以來雨暘時若戶口日繁民與軍而相安商與賈而共悅俱曰澈川當由此而益盛矣若夫序沿革之詳細述建造之始末紀到滿之月日自有大手筆在何幸拭目以觀之端平三年上巳日儒林郎監嘉興府海鹽澈浦鎮稅煙火公

事張思齊記

激浦鎮題名記

寶祐二年宣城胡君用虎調尚書署激浦司舶揖里人常棠曰先君子昔領是鎮兼鮑郎鹽場先大夫採訪前任名氏目濡耳染經始記石茲輯舊記則在鹽場碑陰累政莫紀半途已是稅大關脫詮次幸今鎮尹張君焯政通人和振華揚德勉續窳陸嗣文替銳吾輩責也棠曰惟嘉定初元先正視鎮事余先君考叙題名余叔祖實肇厥記十一年廷紳請分二共卽鎮解爲鹽場翻碑陰以誌歲月

鎮則或僦民廬或寓蕭寺玩愒簡陋紹定六禩四
明羅叔韶始相基殖庭勤塗暨茨門廳賓堂鸞鵠
停峙明年錢塘張思齊踵至外庭內廡撲斲丹雘
東紉西闢跂翼寢輿微二君則爰處靡寧其所然
齊爪戍代猶乏紀勒越歲十九今張君甫克勇遂
先是胡君下車摩挲舊記僅二十四人會省帥漕
列局廢置鎮征艱重事力築底欲勉茂請繼嘖嘖
久之張君聞而嘆曰余檢餘俸且不給伏臘瑣細
遠取諸家必伺公帑以辨此無時而可爲矣迺指
已售石攔撫未紀者十有二政前後附麗並鏤新

珉不肖幼稔胡君重建有幸今得相與繼志述事
張君賜也噫賢如張君使是鎮之財賦弗減疇

于光斯曜必有可觀豈止一題名而已是歲二

月朔竹牕常棠記并書

朱俊之

迪功郎嘉定十四年十月到任十五年五月嶽祠

史潛

文林郎嘉定十六年四月到任寶慶二年九月滿

趙潛夫

從事郎寶慶二年九月到任三年憂卒

張廣年

承直郎寶慶三年十月到任紹定三年三月滿

羅叔韶

修職郎紹定三年二月到任五年轉文林郎六年四月滿

張思齊

儒林郎紹定六年四月到任至端平三年六月滿

趙試夫

文林郎端平三年六月到任嘉熙二年十一月滿

曾羣

文林郎嘉熙三年十一月到任三年月滿

傅朋壽

儒林郎淳祐三年三月到任六年四月滿

朱嗣立

從事郎淳祐六年四月到任七年轉承直郎九年四月滿

趙汝洄

從事郎淳祐九年四月到任十二年八月滿

張焯

承直郎淳祐十二年八月十二到任寶祐三年十月十五日滿

周之綱

從事郎寶祐四年十一月到任

趙孟若

迪功郎開慶元年十月廿二到任

胡沫

修職郎景定五年五月到任

徐行祖

承直郎咸淳三年四月廿九到任五年十月准吏部符不候替職離任

李興宗

迪功郎咸淳六年八月二十到任

美固堂記

余領軍事越三載舟楫器械視昔具備一日暇登高望遠兩山橫倚巨海頻浸營壁中立若龜之伏焉門開三面如尾如足東首而猶垣之無迺形勢有未全乎詢諸宿老答曰陰陽所忌者卯風焉嘗關復窳余應之曰此未識變通者也使益墻仞而臺臺之上而屋則有形勢之備無卯風之嫌其不可乎哉衆皆曰然於是度材僱工築室構堂欄楯眞景晨光濕翠夜影涵璧師休役簡當知與衆同

樂其不在茲乎是堂也于以全此營之形勢而山海也又以壯此堂之形勢故以美固名者美哉山河之固昔武侯語也余是取焉落成之日淳祐庚戌六月癸未二十六日庚申浮光邢子政并書以記

黃道山水池記

漱浦之陽有山曰黃道山之腰腰之麓曠而平繞而曲潮汐所不及維天降澤掘地以積一勺之多可飲可汲負山而居航海而來咸所仰給淳祐十一年夏秋不雨均堂之上涔蹄之微潢潦無根溝

澮其澗居者行者罔不病渴總軍路鈐邢子政來
視曰是殆所積之未大也先是軍中有二池規模
淺陋路鈐浚之一軍賴以生活雖旱甚不竭於是
山僧善機合民族之詞以請曰軍民一體也願推
蒞軍之惠以大此山之池可乎舶征潛放首贊其
決路鈐廼約同時之仕於此者監鎮趙汝涸舶門
朱南杰鹽場俞塤酒官李得基本官戴安節司警
張思湛登山度地鳩工飭材委統領袁發王之鑿
土築池濶四丈深二丈有奇壘挈提之道以達達
三十丈架屋四楹以司啓閉以處守護者凡役皆

營壘生聚暨奔走先後者而剽犀搏蛟之徒則不使之與焉凡費皆取辦於路鈴而官府司存市肆貿易亦有助褚者經畫於秋之半落成於秋之杪其容廣其蓄深其惠博路鈴用汲之功蓋將與此山相爲無窮矣

思賢碑

寶慶二年秋黃巖空明山趙君潛夫來鎮澈浦明年夏卒鎮人將仕郎趙與珣泣請曰吾不忍父老之巷哭也哭之哀不如傳之遠也鎮月解昔多貸諸賈今寧空其室人簪珥也佑客昔畏重欲逸外

江不可挽今恬熙輕平風帆雨楫輻集也訟有檄
自臺府者屢聽不服今片言笑折之咸服其神也
征榷之地昔浮埃颺起眯目不能仰視今亭以弦
風短墻踈箔花柳間植燕賓友也釋奠鄉飲習於
梵宮進退揖遜雍雍濟濟又昔未聞而今見之也
非吾私其宗願子有述也顧余方駭慟重哀其不
幸而何忍迷雖然又何可辭缺職商稅旦暮急也
而君寬以裕之俗販魚鹽錐刀較也而君風教以
厚之頑夫嚚婦鞭箠且不厭也而君兒女以遇之
持是爲縣爲郡爲國豈惟材稱哉余聞鎮旁浸巨

湖君嘗輕裘大帶蹇驢踏月或夜泛扁舟水靜天
碧扣舷把酒可以識君之趣矣蓋君高標遠韻迴
在物表嘗謂余善畫者莫我圖也舊嘗識於水心
葉先生章泉趙公蕃交以詩經薦趙公汝諱九敬
愛之其蒞澈浦未數月也侍郎黃公宣以著述薦
提舉司馬公述以練達薦是將以有爲也而遽死
宜有以寫鎮人之哀思也因系以長言使歲時歌
以招君君其盍來乎君從事郎字景壽登嘉定十
六年進士第自號鶴所君之來兮鶴自九臯駕以
去兮渺天地而逍遙縞衣玄裳兮橫大海之驚濤

雲旂先驅兮霓旆旖旎月皓皓兮風灑灑青山之
上兮黃灣之下挹北斗兮椒漿羽扇綸巾兮佩璆
鏘盼而笑兮玉潔水光鳴鸞鳳兮舞龜鼉馮夷鼓
兮宓妃歌魚咏龍吟兮蛟螭護訶晷言歸兮南浦
颿飛兮過船艣春復秋兮終古七月望日建安葛
紹體撰渭南高不華書

德政碑

國家張官置吏凡以理民惟州縣之長官於民爲
最親歷觀往史霸遂以守郡稱恭茂以宰邑顯鎮
之治狀無紀焉非無治狀也無若人耳繼自今以

治鎮得名者蓋自羅君始。政浦爲鎮，人物繁阜，不啻漢一大縣。紹定庚寅春，羅君來領鎮事。至之日，見吾土風淳厚，思與三載相安。下令曰：「民旅交關，必欲其兩平；軍民雜處，必欲其兩慎。毋啟訟，毋傷和，毋犯于有司，丁寧數語，開心見誠，善始之意，固可逆覘其終矣。」君廉而勤，公而明，寬而不縱，嚴而不苛。昔民訟苦繁，今折以片言牒，訴自簡也。昔關征苦重，今輕以什一版賦，自若也。歲時行鄉飲禮，饌介雍雍，長幼秩秩，相觀相化，俗躋鄴魯。朝廷命簡鄉兵，用防海道。他有司兒戲耳，君出其胸中甲。

兵大閱於長墻山之右士馬整肅旗幟精明儒有
頗牧疇不嘉歎民病厲遣吏勞問給藥散財更生
者幾千人旱閉糴賑粟千斛損價售之濟糶食者
又幾千人鎮解自隸監場更一紀又四政儆民廬
棲梵宇不常厥居也始君下車欲新是圖顧未有
基址壬辰之冬始于丁家橋得楊氏地至是垂滿
矣君曰一日必葺古人有訓時哉不可失吾曷敢
惜費且憚勞哉先是丁家橋之下河流壅遏血脉
不通廼命疏鑿清泚洋洋庶民子來荷甬雲滂巨
三四里如璧斯環蜡月乙未廨舍落成門楣崇暈

廳事雄倨心匠默運不愆素繩真有造五鳳樓手
段越明年春率士民登鉅扁三字名筆鸞鳳飛翥
海邦民物觀瞻一新君經始規模可謂宏且遠豈
爲已計哉遺我鎮無窮之利耳至如建三廟之覺
瓦如新橋之設楯鑿池而放生祝 聖人壽也立
坊而名廣福錫庶民富也凡此大槩繫指不能數
無非學道中流出推是以往宰邑則恭茂守郡則
霸遂相天下則伊傳周召矣功名事業後必有史
官書之所紀者特其治鎮之狀耳君名叔韶字儀
甫四明人丁丑入胄子學庚辰取太常第至是再

調焉初受業於約齊李先生蓋東萊大愚之源委也樞尹表公韶憲使吳公淵倉使表公肅太守黃公壯猷俱以材學薦君行且造朝去如始至藹藹遺愛尙日忘之他日入公之廨者必曰此廨廼今日甘棠紹定六年二月望日楊啟書

鮑郎場題名記

權鹽之利後世不得已也不得已而又爲之賦則臨蒞貴乎專經理在乎人鮑郎爲場列竈九歲課三萬五千六百石有奇而年督指買不與焉廼浸就弛弊言路上疏謂窘于兼二之冗庚辰

詔典銓注顯官毋與鎮稅事癸未又詔今後鎮官
免以鹽場繫銜膺是選者僉爲難之蓋催煎之職
雖舊而茲方更勑昔之官守之多而此爲初政更
勑則責任有歸一額有虧諉以何咎初政則來者
審擇百度骹折必就其良噫嘻難歟雪州朱君俯
中興勛相曾孫公謹廉勤得於家傳始服茲事顧
眡規模蕩如也諗辭於民民勞而瘁詰故於吏吏
惰而黠迺肅申約曰官不可虧虧官負課私不可
損損私傷生回媮心而赴功宣上旨以布政由是
劑量斥地之廣狹陞降戶額之輕重易置牢盆之

閉罅窒塞鼠穴之滲泄廼飭藏宇廼穿運渠廼置
程籍凡一介蠹公害民之事悉就罷行至於復解
請賦稍定輿皂郁然如方輿之家甫碁而課增新
羨比及三年砥諸塲爲冠可謂能其所難矣垣車
策勲必有爲王誦之君旣請代屬余曰舊有題名
二十四人更十七載俶落紹興壬申訖于嘉定辛
巳中間胡君所立也今釐事方新請爲摭其略而
改圖吁螭首龜趺巋然廳事豈徒姓字遷次云哉
於以識歲月紀治理夫經營䟽浚爬羅剔抉則源
溪而流長扶持全護訓飭道齊則本固而未茂君

其有志于此歟余聞之一牛鳴近敢爲之記若呂
溫所謂不居其官民而代人記者則媚人余也何
媚之有嘉定十七年甲申仲春月朔朝奉郎新克
福建路轉運司主管文字李昌宗記

國學免廨進士常令孫書

朱

俯

迪功郎嘉定十四年三月到任十五年
六月特循從政郎十七年七月滿

史彌炳

迪功郎嘉定十七年四月到任準登極
恩授修職郎寶慶三年二月丁憂

應彌明

修職郎寶慶三年五月到任紹定三年
八月滿

薛師仁

紹定三年八月到任次年五月慶壽恩
循儒林郎

顧用卿

從政郎紹定六年十一月到任嘉熙元
年二月滿

周應旂

嘉熙元年三月到任二年准

辟錢糧

趙希槻

從事郎嘉熙三年十一月到任淳祐五年奉聖旨典岳祠

厲夢龍

迪功郎淳祐二年七月到任五年八月滿

施棟

從事郎淳祐五年八月到任六年十二月養親離任

詹元善

儒林郎淳祐七年四月到任總領浙西江東則賦淮東准滿

俞塤

王九齡

還朝序

周官三百六十而監人屬諸天官其任至專其責至重及考其所掌之政令而鄭司農迺謂受人教

所置是也蓋受人處置一或失當則爲瘵官曠職
是豈容于不謹乎海鹽鮑郎鹽場歲入三萬五千
六百石有奇曩歲監官兼領鎮稅事務繁夥賦課
爲難嘉定庚辰言路抗疏上俞其請始詔特置額
員吳興朱君不卑小官毅然發軔櫛挾日一定式
程井井有條清夷不紊三載考績課額獨登會鎮
有闕政暫煩共二且將幾年曾不以代庖而有遐
心以文會友以禮鄉飲以道理剖曲直商旅阜通
閭里安輯人皆曰所以幸吾邦者不淺余謂記止
是乎亭民境壤與齊民接挺私怙強舊染成俗亭

民之謹畏者固不爲亭民之頡頏者不免也齊民之惡少者所樂從齊民之善良者不安也君其爬羅事功以興君其導齊人心以格亭民於是乎自愛齊民由是以自適又何其幸歟雖然此亦跡爾要以廉勤爲本以公恕爲守故君子觀其終而後爲不失君今還朝其能以條畫事悉力而開陳之則儒術之行天下自富豈特此時已哉姑叙槩以示終譽君名俯字伯昂中興宰相之聞孫也歲在甲申日丙戌黃寅序

秀野堂記

鮑郎鹽塲鎮舊廨也廨西一臺扁曰秀野堂之外
有青樹翠蔓淒神寒骨如英雋之排列者有龍蹲
虎踞嵒崑靈霽如珪璋之挺特者有方臺中址蟠
回詰曲如前村後墅之通行者有馴毛集羽斜窺
澹竚如旣哈越語之不羈者堂之內有騷人墨客
獻瑰吐琦如壺鑑之清瑩者有牙籤玉軸裁綺純
繡如河漢之美麗者有米老詭畫嵐溪煙嶠如夜
竇秋色之曠逸者有蔡邕焦枯高山流水如叢篁
聞佩之邃幽者堂之上遙岑寸壁石劍泉紳可夢
而知中衡清淑之氣堂之下蒼苔依砌花影畫簾

可醉而思枕簟入林之僻雲卷空舒月桂霜蟾天
宇修眉斗牛璀璨時則三光五嶽之氣恍乎盈目
踈風暮雨格籟琴續隔牆籬呼樵牧倡應時則千
林萬壑之竅洋乎克耳然則秀野得名宜哉是名
之立嘉定癸未苕溪朱君俯始分專員扁之未幾
頽壁敗雷相繼摧毀越十五禩姑蘇周君應旂發
鋤退食慨曰吾寧捐俸起廢可其做例弗爲於是
鋤莠削蕪藝梅畚竹重楹列牖葢瓦級磚丹如也
堂成迺芊奧寢迺庋書宇靡鳩靡歛次第塗膜視
舊解改觀矣雖然西峯秀野不遇魏侯家法名世

則薛舍其官府蓑爾亭民榛蕪莽沒於靈芝乎何
有今吾周君傳山房之芳拾世科之芥故能不日
之間而萬木向榮胸中丘壑當不在魏侯下肯使
秀野專美西峯嘉祐己亥夏五月望竹牕常棠記
永議郎新克兩浙路轉運司王常棣書

鮑郎場政績記

鮑郎催煎場舊共澈浦政事裕如也自分創以來
局冷如水廩稍不足以供事育庚子歲大歉亭民
相鬻肉自抹九竈不煙倖活無幾宿奸陸梁倒持
蓮勺撞搪傲睨來者當暑涉筆噤不敢問催煎之

職至是難爲矣東陽厲君夢龍到官庭空阜走案
卷塵蕪野廢盤舍燧火燭熄上官朱黥紛來自立
不容頃於是喟然曰早魃肆虐饑饉荐臻則鹽不
可催銜勒寬縱期會玩愒則鹽不可催賂門乘機
洗手未  則鹽不可催倚海築塲刮壤聚土暴曦
釣鹹漏竅瀝滷三日而功成驟雨至則前功又廢
催鹽之職重難如此迺清苦檢飭奉公竭廉戴月
披星鋤獮狡蠹盡心力而爲之復鹽竈一所復鹽
丁四十餘戶復鹽額一萬六千八十七石有奇一
年而鹽塲之課額美所謂才全而能鉅者也田疇

多俾耕且耨戶百有餘家飢者得君之食創亭中
路掘土甃砌草場六十二井渴者得君之漿官浦
不通六十餘年叅度高低疏浚約七百餘丈曝灰
者得君之水僦居者得君之地省臺剡薦獎諭疊
至將以上幕奏辟不曰有功于鹽場乎哉淳祐五
年七月澈人歌舞相告謂厲君歸矣政成不記何
以詔諸後竹牕常棠遂書以記

詩詠門

題金粟寺菴

通判軍府周壽

清池帶蒼巘結構俯林麓扶踈竹外山相向隔羅

穀老禪謝人境歲晚收白足誰聆楚然音息隱尚
爭逐通場作十劫不愧桑下宿定中觀潮汐絕事
心已熟

和前韻

知縣事徐嘉言

招提敞山巖新菴隱巖麓石沼引清流風漪皺文

穀晴暉滿虛室一水令自足

菴前有
含暉亭

心明身宴閑

境寂誰尋逐寒林帶月行夜榻和雲宿若欲問西
來一齋飽秋熟

三里塘搯梅

監鎮葉 樾

扶踈不耐繁華意足自然清絕壁間幻出橫斜只

欠紗窗明月

弦風亭

監鎮趙潛夫

惟他蟹舍蠓房地不是吟情住亦難數尺短墻圍
晝寂半鈎踈箔障春寒水生草滿蛙鳴合日薄花
陰鶴夢安底處青衫病司馬浩歌東望取琴彈

常竹牕修海鹽漱水誌下終



咏 百 禾 嘉

著 同 堯 張

嘉禾百咏

本館據學海類編
本排印初編各叢
書僅有此本

嘉禾百咏

宋 秀州張堯同 著

胥山

馬革浮屍去。君王太忍人。此山空廟貌。何以勸忠臣。

附考。山在郡東二十五里。接嘉善縣境。一名張山。乃硤石之餘支也。吾郡諸山。自天目發源。盡于海鹽。北一支。由硤石蜿蜒而來。發爲胥山。平田突兀。廣尋數畝。舊經云。子胥伐越。駐兵于此。水經云。子胥死。浮屍至此。居民憐之。立祠其上。俗名伍王廟。旁有石龜。凝望注水。風雨中。農人見其行。疑爲怪。鑿其目。碑語有石棧自錢塘抵禦兒之胥口。凡十一字。惜不得其全文。又有磨劍石。長二丈許。劍痕在焉。其巔相傳卽子胥墓也。括異志云。隆興間。守臣李春。請撥隸郡學。以荒山皆石。不果。鄉人陳了翁之裔陳奎。鑿石結廬。名讀書堂。下有水曰胥江。屠應俊有胥山賦。其地題咏甚衆。八景之一曰胥山松濤。

笄山

丹龜功成後。寥寥掩竹扉。但聞蟬已蛻。不見鶴來歸。

附考。山在府城西南五十七里。舊屬嘉興。今析屬桐鄉。縣東南三十五里。千金鄉。昔有道士笄基。尸解于此。唯存巾篋。葬之。號桐棺冢。山有兩峰。東峰號史山。明初貝清江。朱以貞。結笄山詩社。後郭觀察舜

舉吳洪雅公治西林僧公朗輩繼其盛云。又有洗藥井、藏兵塢、潮音院、顯靈廟。宋係時祀。三衢周孝子封顯靈王者。慈烏泉、碣石岳、陶隱居真誥云。嘉興艾季真于宋景和元年得晉楊許三真手蹟于剡縣馬氏。以呈廢帝。又陶隱居弟子題名。有嘉興艾興祖。

漈湖

四境田相接。烟瀾自渺瀰。客來吟此景。無或比漈池。

附考。湖在郡城東南二里春波門外。一名馬場湖。宋志云。闊五百丈。深三丈。北鄰城壕。東列廛市。其西則鴛湖也。亦名南湖。湖濱有濠股塔。湖南有樂郊水心。列岫三亭。及潘尙書園中有烟雨樓。俱另見。

鴛鴦湖

東西兩湖水相竝。比鴛鴦。湖裏鴛鴦鳥。雙雙錦翼長。

附考。湖在郡城南三里澄海門外。湖中多鴛鴦。故名人云。以東西兩湖相麗如鴛鴦也。亦曰雙湖。總名南湖。宋從事郎聞人滋南湖草堂記云。樵李澤國也。東南皆陂湖。而南湖尤大。計百有二十頃。元陳世昌有南湖賦。湖中有裴島。放鶴洲。諸勝。又名陸瑁養魚池。八景之一曰鴛湖春曉。

長水

古來名未滅。人好水還清。一讀高僧疏。塵勞悟此生。

附考。水在郡城南六里。長五十餘里。自海甯發源。貫硤石。東北流入嘉興境。始皇東遊過此。聞土人水

市之謠。乃乘舟交易以應之。宋時有長水法師。明沈懋孝。學者稱長水先生。

谷水 一作許尙詩

短棹經行處。風披藻荇香。中宵孤鶴唳。片月在滄浪。

附考。舊經云。古戰場夾谷口。秦長水縣治。今谷水是也。神異傳曰。由拳縣卽秦長水縣。淪陷爲谷。因名谷水。東南流逕嘉興縣城西。又東南逕鹽官縣故城南。水經注引吳記曰。谷水出吳小湖。逕由拳縣故城下。九州志云。谷水之右有馬臺城。吳王濞煮海爲鹽于此。梁元帝元覽賦曰。時度谷水之陽。尙想嘉禾之方。杜慶亭于吳后。雄構李于越王。陸機對晉武云。三泖冬溫夏涼。谷水在其北。金澤章練小蒸。大蒸。白牛諸塘在其西。封澳走馬諸塘在其東。泖橋之外。橫絕東渚者。秀州塘也。又吳地記云。海鹽縣東北二百里爲長谷。陸遜陸凱居此。又云。嘉興縣東二十五里有長谷亭。方輿勝覽云。陸遜所封名華亭谷。嘉禾志云。當湖北有華亭河。然則一水異名。大抵自峽石襟帶吾禾數邑。以至於泖耳。

天星河

拍岸浮春淥。菰蒲四遠生。網羅人不到。魚鳥亦忘情。

附考。河在郡城內東北。一名天心河。宋嘉禾志云。東西廣三十四丈。卽始皇發徒所掘。俗謂天心墜穴。泉與海通。故大旱不涸。水草不生。旁有碑。存二十餘字。剝蝕不可讀。

穆溪

靜練明田外。源流笠澤通。不因逢歲旱。誰識濟時功。

附考。溪在郡城東北四里。接上谷湖。入太湖。水中多龍骨。

韭溪

終與雙溪接。分流入郭來。市橋人影合。不解洗塵埃。

附考。溪在郡城內。卽南湖之支流。經城而達于北運河。川瀆記云。太湖東通嘉興韭溪。是也。溪上有西澁里。見搜神記。

雙溪

柔櫓聲相應。名齊漢魏收。可憐一溪水。分作兩塘流。

附考。溪在郡城東六里。以其近漢塘。魏塘。故名。漢塘入平湖。魏塘入嘉善。俱可由此以達松江。

秀水

好景明于畫。長浮五色波。一竿吾欲釣。來此聽漁歌。

附考。水在郡城北麗橋之東。相傳水浮五色。見者獲慶。亦稱繡水。明析邑名。因此。

白龍潭

呼吸風雲合。飛潛自有時。只愁潭底淺。頭角被人窺。

附考。潭在郡城西南四里。通越門外。景德寺旁有白虎穴。風濤溺舟。作三塔鎮之。今析屬秀水境。八景

之一曰龍潭暮雲。

禦兒

用此臨吳戰。何人爲越謀。夫差曾不寤。亡國始知羞。

附考。水在郡西南。去崇德縣治東南一里。舊名禦兒中涇。俗名沙渚塘。吳越時。棲兵于此。越語。勾踐之地。北至禦兒。左傳。吳越春秋。皆作禦。史記年表。作禦西。漢易爲語。而年表又作蘄。水經曰。由拳西鄉有產兒。便能語。因詔爲語兒鄉。元豐中。朱長文續吳郡圖經云。范蠡獻西施于吳。道中生子。至此能語。張宮諭廣皇輿考亦云。又越絕書曰。語兒鄉。故越界。大夫種曰。吾以禦兒臨之。又女陽亭者。勾踐入官于吳大夫。產女此亭。養于李鄉。勾踐勝吳。更名女陽。三朝國史云。有語兒亭。又名女兒亭。俗呼女兒墩。漢元封初。封轅終古爲禦兒侯。

范蠡湖

少伯曾居此。螺紋吐綵絲。一匳秋鏡好。猶可照西施。

附考。湖在郡城內西南。金明寺旁。中產異螺五綵。相傳范蠡曾隱于此。有陶朱公里四字碑。又有西施妝臺。

梧桐涇

落落梧桐樹。何年作鳳鳴。試看千古翠。流盡一溪聲。

附考。涇舊屬郡境。後析桐鄉縣。名因之。在邑之東。卽濮川所通處也。五代時。鳳鳴其樹。邑人蔡孟熙繪圖。廬陵周忱爲記。

汾湖

我是滄浪叟。閒來繫釣艫。如何一湖水。半秀半吳江。

附考。湖舊屬郡境。後析嘉善。在縣西北三十六里。其半爲吳江地。故名分湖。後人加水爲汾耳。中產巨蟹。陶振有賦。楊惟楨有記。

柘湖

神居陰陽護。尋國捍洪波。莫慮蛟龍怒。年來畏叱呵。

附考。湖舊屬郡境。卽海鹽舊治淪陷者也。今在平湖縣華亭鄉。與嘉善接境。東界華亭。今無復有湖。凡張堰、亭林、黃茅、白葦之墟皆是也。多生柘樹。故山名柘山。林名柘林。柘一作橐。初陷時。有女子入湖。爲三姑神。土人祠之。

馬塘涇

疑著風波惡。民謠亦畏人。築塘成堰後。斬馬祭河神。

附考。涇在郡城南七里。九域志云。始皇至此。遏水爲堰。斬馬祭之。屬嘉興。

杉青堰

舊吏家何在。空尋古柳隄。世情今亦爾。莫笑買臣妻。

附考。堰在郡城東北四里。其旁有閘。寰宇記。謂朱買臣妻改嫁杉青閘東。北一里有死亭灣。爲妻死處。又有落帆亭。宋秀王諸公送鄉人陳確持節江東留題。亭址今析屬秀水。八景之一曰杉閘奔湍。

鳳凰洲

竹秀水色淨。忽來雙鳳凰。岐周昔鳴瑞。今復見文王。

附考。洲在郡城東七里。宋隆興元年。有五色鳥飲啄其上。故名。屬嘉興。

龍舌頭

一吸長川靜。烟雲忽有無。誰看頷底月。誤欲探驪珠。

附考。在郡城東七里。卽雙溪之背也。今名會龍山。屬嘉興。

月壕

入徑深於塢。滄波近馬蹄。每尋蓮社友。咫尺走東西。

附考。壕在郡城西。其水抱城灣曲如月。故名。亦曰月河。屬秀水。

靈光井

玉甃祥光發。難藏世上名。定多慈護力。一飲百疴輕。

附考。井在郡城內精嚴寺。本晉徐熙之別業。因夜發光。捨爲寺。成帝賜名靈光。

幽瀾泉

神女鍾靈處。真堪療渴羌。滿巵秋玉色。一酌灑清涼。

附考。泉在景德寺中。舊屬郡境。後析嘉善。去縣東一里。相傳有僧見一女子。厲聲曰。窗外誰家女。應曰。堂中何處僧。遂之忽隱。掘得石刻。有幽瀾二字。石下得泉。大旱不涸。煮茶無滓。盛暑經宿而味不變。邑人盛唐有記。八景之一曰武水幽瀾。寺係唐天寶閒創。又有大悲閣。雨花臺。翻經室。洗鉢池。補衲亭。蘿屋。月竹。爐烟。諸勝。

橋李城

螳螂方捕楚。黃雀遽乘吳。交怨終亡國。君王到死愚。

附考。城在郡城西南四十五里。春秋時。越敗吳于橋李。因其地產佳李。故名。越絕書。作就李。公羊傳。作醉里。史記。載吳王闔閭傷指。卒于涇。去橋李七里。夫差敗越于夫椒。報橋李也。又曰。西施醉于此。卽今濮院。析屬桐鄉。

射襄城

此地連江海。曾經古戰爭。干戈今不見。空有射襄名。

附考。城在郡城東北三十里。吳王禦越之所。一名聞川。今名王江涇。又東三里爲聞家湖。宋聞人氏家焉。宋武節將軍聞人宣扈蹕南遷。定家于此。其元孫恂爲進義校尉。死厓山之難。

四城

吳越爭雄日。區區在用兵。空餘爭戰地。無處不高城。

附考。東顧城。西新城。南子城。北主城。皆在郡境。吳築以禦越。

何城

報越心何壯。貪齊計已輕。忠言殊不聽。何用築斯城。

附考。郡西有何城。在崇德縣西三里。又有萱城。在崇德縣東三十里。晏城屬桐鄉。管城屬鹽官。皆春秋時築。此四城屬越境。

由拳廢縣

故城人不見。擊劍淚空霑。一絕悲聲遠。今猶說孝廉。

附考。在郡城南。搜神記曰。始皇東巡。望氣者云。五百年後。江東有天子氣。始皇至。令囚徒十萬餘人。掘汚其地。鑿審山爲硤。北迤六十里。至天星河止。表以惡名曰由拳。言因倦也。今春波門外合五水。俗詔油潭。

嘉禾墩

寂寞黃龍後。紛然壘上碑。廢興無處問。空詠草離離。

附考。墩在郡城東北四里。卽吳時生嘉禾之地。

古戰場

自昔干戈地。城空草自荒。漁樵懷舊事。何敢議興亡。

附考。在郡南四十五里。舊經云。古戰場夾谷口。卽秦長水縣治也。又名吳越戰場。其大者曰東蕩。界桐溪。鹽官閒。西蕩。崇桐相半。皆廣數十里。土人墾地。往往得敗甲朽鏃云。

村門口

昔日荒閒地。今聞市井喧。人情看促迫。無復似當年。

附考。未詳。

宣公橋

祇因裴少保。功業敗垂成。往往橋邊客。今猶恨未平。

附考。橋在郡城東春波門外。相傳爲宣公建。屬嘉興。

五柳橋

爲懷陶靖節。無復見其人。誰種橋邊柳。猶含舊日春。

附考。橋在嘉興治西。俗名慶豐橋。

百步橋

舊址依然在。荒墟未百年。還分一橋水。流入幾家田。

附考。橋在杉青堰旁。

跨塘橋

路接張涇。近塘連谷水長。一聲清鶴唳。片月在滄浪。

附考。橋在嘉善縣西北。舊屬郡境。

菩薩橋

片雲初出岫。南北自飛揚。舊日橋邊路。猶聞鳥履香。

附考。橋在秀水縣治東。

竹橋

腰枕政亭北。橫斜古渡頭。風吹雙淚落。恨逐水東流。

附考。橋在秀水。

河內亭

掾死緣非命。兒來哭未休。舊時亭下淚。疑與水長流。

附考。亭在郡城西。漢張武父爲郡掾。送太守妻還河內。爲盜所殺。武哭于此。

嘉禾亭

五馬來何暮。經營指一彈。石碑書近事。留與後人看。

附考。亭在府子城內。西有嘉禾、金風二亭。東有清風亭。北有利川、觀風、野泉、朝宗四亭。又有序賓亭。皆宋知州張瑜建。

列岫亭

吾州風物好。惟是欠青山。忽有洞庭色。來從一笑閒。

附考。以下三亭俱在滌湖之南。

水心亭

波光磨不盡。鏡面絕纖塵。照得紅亭子。亭亭似美人。

樂郊亭

竹下清風好。時來挂幅巾。待逢田叟問。知是樂郊人。

會景亭

有景道不出。須來此水濱。十分清絕境。團作一亭春。

附考。宋尚書潘師旦園在滌湖濱。中有南塢、海棠亭、白蓮沼、桃花亭、紅薇逕、茶溪、仙鶴亭、芙蓉塘、白苧橋、漁澗十景。咸會于此。故名園。舊屬柳氏。師旦知秀州。重築。趙孟頫有記。

南塢

岸回波曲曲。城轉草層層。忽見桃花落。還知到武陵。

海棠亭

蘚砌迎烟渚。花開忽滿株。春風吹爛漫。如展蜀川圖。

白蓮沼

滄波圍四面。豔豔玉開花。自可除簾幕。清香不用遮。

桃花亭

不待東風折。池塘已自春。試看原上客。猶恐是秦人。

紅薇逕

漸放秋風晚。花無瀾漫香。淺深紅似錦。散影在滄浪。

茶溪

茶林那復有。零落村樵人。舊日溪邊叟。空悲二月春。

仙鶴亭

杳杳雲閒路。重重隔翠林。數聲清夜後。來伴月邊吟。

芙蓉塘

一發連千丈。紅雲出素波。秋風吹欲老。無奈落花何。

白苧橋

徧隴敷青綠。桑麻共幾家。滿城羅綺子。應笑不栽花。

漁激

野水連天闊。滄波引釣縉。寄言溪上叟。莫學直鉤人。

懷蘇亭

猶使樽前客。常懷沒後名。好風吹遠籟。如有笑歌聲。

附考。亭在府治東子城上。宋建。與蘇小墓相望。故名。後改曰朝陽樓。

披雲閣

茲樓常勝地。高望極峻嶒。欲觀青天色。還須上一層。

附考。閣與懷蘇亭相近。宋知州方滋建。後改名風月無邊樓。

景龍樓

千秋傳異綵。百尺護雕闌。欲識金龍瑞。丹霄試仰看。

附考。樓卽東塔寺東廡鐘樓也。宋孝宗父子偁。調爲嘉興縣丞。生孝宗。幼時登樓墮地。左右失色。孝宗屹然不動。寺僧先夕夢金龍挂于樓角。因名。事詳揮塵錄。

烟雨樓

妙手誰烘染。梳烟沐雨姿。一聲長笛晚。人在倚樓時。

附考樓舊在郡城東南滂湖之濱。五代時吳越王錢元璩建。宋嘉定中王希呂重修。元季毀。明嘉靖間知府趙瀛濬內隍淤土。移填湖中。構樓五楹。兵憲沈奎復闢其後。爲釣鼈磯。遂爲南湖之勝。又名疑樓。八景之一曰春波烟雨。

月波樓

天關冰壺淨。溪平玉鑑寒。卷簾看晚色。鷗鳥竝闌干。

附考樓在郡西北城上。宋元祐中知州令狐挺建。政和中毛滂重修。有記。下瞰金魚池。唐刺史丁廷贊養金鯽于此。又張能臣名酒記曰。月波。秀州酒名。又宋詞吹笛月波樓下。有何人知得。八景之一曰月波秋霽。

真如院

田家輕脫屣。聊結淨人緣。影外香燈寂。清風百世傳。

附考院在郡城南四里。屬秀水。唐至德中裴休捨宅爲至德院。雪峰和尚結庵其中。宋改真如院。明洪武時定爲教寺。今仍之。內有雪峰井。長水塔。裴相清輝堂。綵雲橋。柏屏。龍槐。石梅。纓絡松。東坡煮茶亭。諸景。司馬光有記。

雪峰庵

一語合頭悟。師承豈在身。戲言廬幕客。未是報恩人。

景德禪院

白毫光未滅。勝事百年中。好是傳燈地。林泉有古風。

附考。院在郡城西。去秀水治三里。宋建炎中建。初寺基下有白龍潭。多風濤。晴霽時有白光三道。僧行雲積土填之。造三塔。東坡過此。畫竹于壁。與李甲俱有詩。另見。

三塔

石匱埋神物。靈光照夜多。龍歸天上後。無復更風波。

學繡塔

孤塔岿嶢立。猶傳學繡人。五湖如好在。針線不勝春。

附考。塔在三塔西二里。相傳西施入吳。學繡于此。

水陸院

白晝重門寂。蒼苔古殿深。老僧香火罷。松柏夜森森。

附考。院在郡治西北一里。晉興甯閒。哀帝詔剡山法師。坐潛講般若于禁中。還止橋李。貴人家。因捨宅爲寺。梁天監中。盛行水陸法事。號水陸院。宋賜名祥符。

泗洲庵

舊寺邱墟後。重興歲月賒。莫將閒禍福。容易託僧伽。

附考。卽今東塔寺。在郡城東六里。漢朱買臣故宅也。梁天監中建。隋仁壽閒置塔。宋元豐時。賜名泗洲大聖塔院。政和六年。名壽聖教院。孝宗以潛邸。改賜東塔廣福教院。明洪武中。定爲今額。內有景龍樓。青白二池。聽玉軒。朱買臣墓。

雲門家舍

滿篋藏鋒句。家傳世幾何。遠孫無悟解。卻笑葛藤多。

附考。雲門大師。係嘉興人。詳方外。

白蓮上方

古屋深於洞。門前種白蓮。好尋當日社。重結此生緣。

附考。寺在郡城東八里。舊名接待院。後廢爲趙倅雋之錦莊。宋紹興二年重建。洪武初。定爲講寺。元季。劉伯溫館于其中。

普濟院

祇應曾布地。往往化爲魚。一遇丁千騎。禪人便結廬。

附考。院在秀水。

兜率寺

昔年池滿地。今見屋眈眈。不結蓮花界。龜魚死未甘。

附考。寺在秀水。

姜庵

不入紅塵市。安居三十年。至今庵下路。芳草碧芊芊。

附考。庵在秀水。

惠明堂

地僻無人到。松風鶴夢清。一燈禪榻畔。自向暗中明。

附考。堂在嘉興。

三過堂

題詩三過此。坡老昔時曾。悟得成彈指。來爲打睡僧。

附考。堂在郡城西二十七里。本覺寺中。屬秀水。舊名報本禪院。宣和中。改爲神霄玉清萬壽宮。淳祐閒。請爲本覺禪院。蘇軾與文長老善。守杭之明年。有事于潤。一過題詩。後六年。自徐移湖。再過。則長老退院。又十年。除龍圖學士。知杭州。三過。則長老已卒。皆有詩。後人因建堂。內有橋。李亭。空翠亭。四圍竹十餘畝。八景之一曰空翠風煙。俱另見。

寂照菴

寂滅跏趺地。燈光照四時。高僧穿地脈。此意少人知。

附考。菴舊屬郡境。後析桐鄉。在縣東南二十里。千金鄉屠甸。卽天福八年建。名報恩院。宋治平開改。寂照院。相傳二石佛海中浮至。寺西有石人涇。寺僧溫日觀。善畫蒲萄。

天慶觀

寥陽龍已化。華表鶴空悲。欲問梁朝事。惟應老檜知。

附考。觀在府治西北一里。有七賢遺迹。一嚴陵燭焰。二塞子虔山水。三葛洪書額。四吳道子貌真。五張僧繇鷹。六顧虎頭神。七飛仙。又有唐開元鐘。梁朝檜。七寶上帝像。宋推官解九皋井銘。今觀址改建城隍廟。

福順廟

老屋無丹雘。空階只翠苔。遶檐看箭鏃。誰記赤眉來。

附考。廟在嘉興治西南五里。唐咸通中建。祀隋司徒陳果仁。封忠烈公。

昌武廟

祇因吳士季。千載仰公神。欲借驅疴術。來臨刻木人。

附考。廟舊屬郡境。後析桐鄉。在阜林鎮。吳士季爲吳興令。病疴。遣人就此乞驅鬼。遂夢一騎縛小鬼去。卽愈。宋志。淮海王有三子。皆有功于民。因祀爲土穀神。阜林爲大龍翔。爲二爐鎮。爲三云。

楊姑廟

孝德襄陵久。天然與衆殊。生男不能養。應合愧楊姑。

附考。廟在嘉興縣西。宋楊孝女躬耕養親。鄉人祠之。

徐偃王廟

王有岐夷德。千年貌亦存。我懷三刺史。誰是後來孫。

附考。廟在郡西北二十里。偃王逃之會稽。遺廟在焉。旁有墳。屬秀水。

曹史君祠

一笑淮兵卻。功成未易論。豈慚顏刺史。詩酒在平原。

附考。祠在府治西北。祀吳越時牧守曹信及其子珪。珪爲嘉興都將。守城以拒淮人。民懷其德。立祠祀之。

高使君祠

一瞬移藩日。邦人昔被恩。步兵碑尙在。功業敢經綸。

附考。祠在嘉興治北三十六里。嘉善治西北十里。使君逸其名。晉建武中。爲嘉興監屯校尉。鎮靜其民。終于此。立祠祀之。梁步兵校尉劉績之爲記。

寥陽殿

人歸天上去。空識舊衣冠。祕錄藏金匱。清風滿殿寒。

附考。殿在秀水。有葛洪書碑。後爲郡幕解九皋取去。

霍將軍廟

弼漢功非淺。讒夫可奈何。海神今亦畏。安敢布風波。

附考。廟在郡城東南二十七里石佛寺旁。祀漢霍光。三吳濱海。皆有祠。又平湖亦有廟。另見題咏。

讀書堆一作唐詢詩

平林標大道。曾是野王居。往事將誰語。淒涼六代餘。

附考。嘉興縣東六里有顧節墩。平湖東沸上有顧書塔。俱野王讀書處也。野王居在顧亭林舊屬海鹽境。後晉天福庚子。亭林寶雲寺壞于水。僧夢二青衣來云。梁持節至。俄一人紫衣金魚儀狀。秀整曰。此吾故宅。汝建寺立像。吾當護之。有水際古碑可據也。明日獲碑。字皆磨滅。惟存數字云。寺南高墓。顧野王曾于此修輿地志云。

簡齋

詩老追唐句。閒居築簡齋。芙蓉寒浦外。紅落感秋懷。

附考。齋爲陳與義所築。舊屬郡境。後析桐鄉。在青鎮廣福院後芙蓉浦上。又有南軒、三友亭。諸勝。後趙子昂作古篆。顏曰簡齋讀書處。

陳賢良隱居

發策名猶在。回頭事已非。池塘春草綠。空憶謝公歸。

附考。嘉興治東北二里。爲舜俞宅。崇甯三年。其孫捨基爲漏澤寺。其隱居在清風涇。析屬嘉善。卽宋史所載白牛邨別業也。

徐長者園

丹砂猶未就。白髮忽成翁。卻有憐春意。栽花向此中。

附考。園在嘉興長者。宋人學道。年八十。治圃栽花。老于此。

趙老園

藏書幾萬卷。歸老此林泉。不爲尋蓴鱸。于公亦有賢。

附考。園在郡城西三里景德寺後。析屬秀水。乃宋致政殿丞趙公歸隱藏書之處。公名衮。字希甫。陳舜俞題曰趙老園。

施墓

蒼苔侵壞道。晚雀散空林。莫問人賢否。浮生一古今。

附考。墓在嘉興治東二十里。圖經云。齊長沙王府長史施修琳墓。

衛墓

惆悵黎陽客。飄流浙水濱。定忘空腹恨。知是赤心人。

附考。墓在嘉興治西南。圖經云。衛大夫洪演墓也。衛懿公爲狄人所滅。食其肉。惟肝在地。演剖己腹而內焉。

劉伶墓

荷鍤從吾後。叮嚀死便埋。人皆譏嗜酒。我獨愛忠懷。

附考。墓在府城東二十七里胥山下。俗呼金伶墓。蓋避吳越王諱也。屬嘉興。又胥山有荷鍤翁墓。

嚴忌墓

有子如君少。終緣叛國亡。冢前無後嗣。切勿怨張湯。

附考。墓在郡城西北二十七里新城鎮。屬秀水。子助葬山拳。在天甯寺後。俗呼後嚴墩。蓋以忌爲前嚴。助爲後嚴也。

朱買臣墓

世事春風轉。榮枯一夢閒。繡衣人不見。孤冢舊家山。

附考。墓在郡城東三里東塔寺中。

周都官墓

不識君名字。應難問子孫。一邱浮水際。神怪欲誰論。

附考。墓在秀水治西北水中。旱不加高。潦不加沒。今尙存。

蘇小小墓

泉下骨應朽。幽魂獨未消。幾番清夜月。孤影度南橋。

附考。墓在嘉興治西南六十步。有片石在通判廳。曰蘇小小墓。南有賢媚巷。寰宇記云。墓高三尺。有大井在其側。舊生雙桃子。上方輿勝覽亦云。

羞墓

傷哉負薪子。五十始登朝。空使埋羞處。山花復採樵。

附考。墓在郡城北十八里。買臣妻葬處。又曰羞涇。又作楸涇。

木紋觀音

雙瞳分日月。眉際一星懸。照見人閒苦。三辰不在天。

附考。唐咸通閒。郡中有木在水濟人。遇淨則浮。逢羶則沈。人知其異。取鑄觀音像。纔畢。面目手指皆有光采。人稱木紋觀音。又作目紋。初在五臺院。後以兵火。移精嚴寺東廡。紹興十一年。邦人禱賜重新。其字。先是郡守曾侯。曾夢白衣人曰。我當此方致雨。奈面目不淨。三十里無所見。不能與衆聖會。明日詰之。果匠者用雞子牛膠調粉。故爾。遂改新之。乃應。

邦藥王龕

父老懷遺愛。誰傳肘後方。藥囊同日葬。空憶紫元香。

附考。在嘉興。

淨相佳李


地重因名果。如分沆瀣漿。傷心吳越戰。未敢盡情嘗。

附考。淨相寺在郡城東南三十六里。梁武時建。地產佳李。樵李之名由此。

符姥瑞竹

一幅霜縑外。青青出自然。天機何敢議。珍重白衣仙。

附考。在郡城。



金華遊錄

方鳳撰

本館叢書集成初編所選寶
顏堂祕笈及學海類編皆收
有此書寶顏本撰人誤作謝
翱當從學海本作方鳳故據
學海本排印

金華游錄

宋 東陽方 鳳詔卿撰

己丑歲正月。謝翱皋羽。方鳳詔卿。約遊洞天。十一日辛卯。詔卿攜子肖翁入邑。與皋羽及陳公凱君用弟公舉。帝臣。會詔卿夜賦詩。示同遊者。十二日壬辰。陰寒。詔卿拂曉。取上洛之吳溪。過吳。似孫續古。約俱行。至橫溪。訪柳時聲父子。君用不至。帝臣從五路嶺。先過門。皋羽繼至。會宿時聲居。十三日癸巳。枕上聞雨。是晚以雨。宿柳明府新居。各賦一首。十四日甲午。陰未曉。卽行。午度太陽嶺。晚泊上坦。欲訪雙巖。鄭子有子。有聞之。先至旅寓。邀宿陵雲山房。城友葉謹。審言。適相遇於陵雲。約翌日同至赤松。是夕。子有出家藏先資。政北山先生遺墨。及久近諸賢書帖。共觀至夜分。詔卿書北山感雪竹賦。後皋羽亦題。十五日乙未。曉聞窗外葉聲。疑雨起而視之。則霽。旣飯。話良久。子有之姪。復留飲。凝香閣。晚抵赤松。自源口入一里許。萬松轟翠。有亭跨中路。扁赤松山。舊樞密潛齋王公堃書。今往觀。唐元素。易以他書矣。沿溪入橋亭。扁金華福地。郡人潘繼先篆。過橋入三門。勅寶積觀額。大中祥符元年所賜。與殿中四錦旛及獻花四木孩俱。今猶存。入門而右。有堂臨池上。爲濯纓堂。默成先生潘待制良貴書。入而爲松遊亭。又入而爲枕流亭。觀之前。爲臥羊山。卽皇初平叱石成羊處也。道士王元台。謝天與。款宿。謁冲應。養素二真祠。二真初起。初平兄弟也。松下有遇仙石。坐其上。相傳往年唐公李度。有目眚。寓觀中。嘗憩茲石。遇二仙。問故。采草拂其目。遂明。且祝曰。後十八年。當相見。彬州及唐登第。授彬教。有二道士過之。唐不知省。道人曰。子亦記松下治。

眼時語乎。既而邀之。不知所適。方知爲二仙云。時詔卿病目甚。故道士言之爲詳。回宿王謝房。各賦上元遊赤松詩。十六日丙申。微陽。道士水竹唐元素。妙虛王德厚。竹泉倪守約。房中觀羊石。其詳具皋羽觀羊石記中云。金華洞爲皇初平叱石處。予髻而聞之。髮種種。乃一至。而叱石處復不在。金華洞。未至洞十五里。有山曰赤松。今爲寶積觀。觀旁祠二仙。二仙卽皇初平兄弟。是其處也。石故在山之巔。變怪牴牾。宛然如羊形。多爲樵牧及好事者取去。道士拾其餘。蓄觀中。余得借而觀者三處。其一在天井東。僅十數角。巖然羣伏。且起。狀無抵觸意。苔蒙茸。若草藉地。可近而玩。其一竝曲池之岸。壘石爲山。參布伍列。犬牙其上。臥者十八。九伏者十七。抵者蹶者十五。履險而跛者十三。倚而齧。跪而乳者十一。若觀古彝尊之跡。于石形不求全。而意自足。其一積小坻。位置加密。跂伏齧乳。抵蹶與前變態略同。復有拱而人立者。奇崛特甚。非前所有。道士易以他名。使不與羣羊伍。余曰。是不可易。左元放之遇曹瞞。其化而爲羊。與茲羊之化爲石。是或一物也。今而後觀茲石。馮而遊。若脫而休。茫乎日與之對。而泊不知所求。其有不復化爲是物乎。道士顧笑。衆皆沈寂。起立若植。以余言爲然。故書以啓後之遊者。其所觀後之三處。道士曰倪守約。唐元素。王德厚云。石去初平仙後若干年。爲樵牧好事所取。又若干年。爲樵牧好事所取。又若干年。道士悉能言之。于遊者非有繫。故不書。妙虛石旁。有方竹一叢。蕭疏可愛。堂名蕭閒樓。有減筆隸物化二字。極佳。水竹留饈。王倪各爲煮茗。入小桃源。路口有小桃源。物外洗耳。三石刻。奇古。皆餘杭虞似良仲房八分書。未過橋。爲物外亭。過橋有亭。泉上有臺。名滄浪。溪石皆磊砢。水激射爲峭峽。爲盤渦。道士徐南華攜酒餚。并

青窗王易所書趙元清夢游小桃源四時詩來。青窗卽故樞密王公之孫。名進思。官惠院。號淳齋。善書而好吟。以避世。立兄子爲子。使出贅。復分田送其妻歸母家。而自爲道士于此。南華酌酒滄浪臺。榭陰下行。至巖扉閒。新構小亭。名別有天地。復酌亭上。巖扉有諸公題墨。新種桃梅夾道。道士周雲巖世昌。要會酌樓上。石泉之徒王德謙益之。攜琴鼓再行。午從觀右登丹山。行窮林巨石閒。觀丹寵及丹石。相傳某年丹光見石上。有道人養雞。見雞啄丹。取之。丹卽飛去。今立祠與庵。祠前舊有老樹竝。其中斷。倒架上半于其一。附著而生。下半則僵立不相接。狀甚怪奇。今爲改祠道士。伐去。曾遊者以爲言。丹山而左。稍下有丹井。泉極甘冷。一徑出小桃源之上。抵二仙祠。回宿寶積觀中。西廡石刻赤松山三大字。李陽冰篆。偉甚。以赤字從大下作火。揭之有火災。故真不用。而存其跡云。十七日丁酉雨。欲往三洞。不可。遂入城。泊祥符寺待霽。取道智者以往。十八日戊戌雨。留祥符。臯羽有塔影霧中深之句。韶卿足之。十九日己亥陰。入寶婺觀。謁星祠。登八詠樓。寶祐丙辰歲。郡守謝弈修。改創瀟齋。王莖書扁。今易以他書矣。時拏丁夫急。所帶奚奴。不敢出市衢。韶卿自同臯羽訪芙蓉盛太博。共談世故。晚歸祥符。二十日庚子。新霽。約審言自蘭溪門會于北柵。韶卿父子續古。審言登七寶寺塔樓。拂塔院至道年碑石。遇且庵徐玉汝於盧士安卜肆。韶卿臯羽甚欲留訪諸老。以雨餘得霽。重于妨衆。遂行。旣出城。遇抑齋劉權院。梅居邵深道。成齋王玉成。于菱塘之東。王謝二道士。自赤松來。西鹿田守僧懷玉留而相導。韶卿賦北山道中。衆客皆和。晡至智者寺。山路有亭。扁北山。唐乾元二年八月縉雲縣令李陽冰篆書。入而爲倚松亭。過橋有亭。扁靈源。小憩亭上。又

潛齋王公書靈源勝地四大字。寘之雲堂後廡。寺僧莫之貴也。日夕過鳳凰山法清院。山形如鳳凰。舊爲法朗。石晉開運二年爲國泰。今改法清。山西有一怪松。偃蹇如盤龍。院僧圓矩云。昔潛齋王公嘗護以闌楯。遊憩其下。是夜宿院中。二十一日辛丑。有徐生館法清。酒狂士也。曉起攜詩見贈。有鳳凰山上鳳凰翔之句。聯中又以畊田鹿。化石羊。爲對。臨別。密謂審言曰。余以鹿比僧。羊比道士。鳳凰比諸君子。審言途中述其語。衆皆絕倒。從法清而西。過故康懿泰國長公主墳園。未至觀半里。有歧徑。行五十里。至金華觀。登山可至九龍寺。上有劉先生講堂。劉孝標讀書處也。三洞上爲朝真。中爲冰壺。下爲雙龍。三石扁。皆飛帛書。立下洞口。觀有天下名山四大字。觀之左爲椒亭。所從入洞路也。以山下平地言之。此則山巔。然而迢遞寬衍。觀之前。居民成聚。則此乃洞天之趾爾。雙龍洞口。石室明淨。坐可三二百人。仰視石室紺碧。其隱約可名狀者。爲雲物。爲仙桃。爲道人。比肩而立。龍首見其左。而尾懸右。石壁上又懸石至地。獨黃色。俗呼呂先生藏身霞衣挂。其旁有北斗星窠。洞穴如蟆頤。水淙淙從中出。卽流入右偏。暗出洞外溪澗。衆束炬揭裳。偃僂踏水入內洞。凡三數丈。首背皆擦石。舊臥小舟而入。今敞漏閣水際。旣入。復虛曠如外洞。水從右流。莫測其淺深。執炬者一一相指告。見蜂窠石。水蛙石。石鐘。手槌之鐘聲。仙珠纍纍巖上。石門限雪山。山前雪。山後雪。梁之皎然。仙笠懸巖石。石鼓。槌之鼓聲。有形蜿蜒。頭角髮尾。凡二。屈蟠隱見。爪尖。皆白石如玉。所謂雙龍也。貓一。獅子一。頭足尾具。額有珠。大龜黑色。白蛇斜繞其背。首入甲下。奇甚。筆格一。霜崖粲如繁霜。有卷石。小竅指面大。有水正滴竅中。名仙人硯滴。候片時。纔一滴。仰視洞中。他無漏泉。獨此

爾浴室石櫺三足蟾懸鐘寶蓋如名利講臺上所設而加高大海角虎蹲立雲霞五色欲飛極裏從暗處俯伏遠望洞口水中所從入處僅一小隙透明如十五夜月名仙人望月又大象足二小一仙桂水波石粼粼然大者如浪轉雪山後而左爲滑臺爲池爲畦畦町高下可數仙人挂衣橫十數丈衣純素袿褻蹙摺皆天成又仙人眠石方整可臥仙人帽日月二宮復從洞口踏水而出凡洞中所見不假一毫鑿鑿而形狀自然其妙處殆不可言也登山幾半里至中洞洞口視深處乃暗穴但聞潺潺水聲束數炬相後先若入井然稍斜向內衆魚貫而下石滑且險約三十丈至水簾自高巖噴出下有巨石盛之卽不知水之所在水簾出處前有懸石如鐘又如飛鳳視水簾以下復沈沈深黑人多不敢復入皋羽毅然揚炬而前詔卿續古從之由水簾之右轉而深入巨石無數回視水簾乃在目前愈入愈深下復無水有石筍入空曠中高可三四丈色瑩如玉從石筍而下極底有石室燥潔曾遊者留題在焉回至水簾漸可望明而上不如入之險也然不能深入則不得盡其奇來遊者率望水簾而止爾又登山二里詔卿父子皋羽續古倩兩山童買竹薪束炬至上洞入洞而右爲觀音洞從巖罅越石限而入展轉愈高攀援至觀音前其石像天成垂衣伸一足如土偶者但高入巖罅以炬燭之僅得其半而臂與面莫盡見也旁有潭深不可近名觀音井又名龍潭復路出從大洞正面而入歷三數坡陀其石上雲霞波浪霜雪屋室之類皆不減下洞所見洞口天日之光斜射洞中石崖上淡如月色奇甚內有石梁高挂深可二三十丈白龍護其左蒼龍護其右又入有天池深廣四畔峻壁不可下池之裏有崖如兩扉而啓其一極黑暗中遠望石扉啓處

天光下燭。蓋洞天漏明。而人莫知其處。名一線天。既隔天池。不得復深入也。雙龍洞口。題名石上。詔卿賦三洞云。金華北山三洞天。垂髻欲往金華顛。春風吹衣雨洗履。瘦筇忽拄蒼山煙。山高地平走幽澗。根絡石上森枿榦。步從飛橋瞰石洞。厓色閱世知幾年。風痕霧迹化異物。龍首昂左尾右旋。就中暗穴如蝮頤。急水瀉碧鳴渦絃。迥流束炬照徒涉。肩皆擦石行拳攀。水窮路夷內景得。以炬交燭窮幽元。細紋盛波湧浪接。皎彩凝雲飛霜鮮。大爲獅子虎犀象。瑣碎亦復蜂屯然。蜿蜒雙蟠角尾具。一一玉爪擎蒼堅。窮龜負甲色深墨。長蛇白質相縈纏。鐘能鐘聲鼓能鼓。不假樅籟知誰懸。直樞斜檻藏福室。短畦長町移原田。青雲白霓五色霞。笑盡敗絮留丹鉛。中途經過最深窅。伏身低眺洞口泉。空明一隙隔遠見。秋蟾浴海光嬋娟。左巖裂衣頗橫亘。疊摺衆皴垂踠躑。自餘神怪不可極。似鑿非鑿鑿非鑿。出登山腰叩中洞。外視石井聞潺潺。入深踏險思縋綆。長竿揭炬後且先。水簾可俯心爲掉。到此十九歸言過。嗜奇不憚歷磊砢。足以目故差輕便。翻身卻望水簾處。銀河天落懸吾前。常情疑復下百尺。積水定作神龍淵。石乾徑闕卻易進。玉筍拔地修而圓。宜爲淵處乃爲屋。亦或摩挲題新篇。同遊疑我久未出。笑謂豈欲井底眠。林幽風起日已晚。猶睨高洞山之巔。薪蒸可買樵我導。不遠數里仍攀緣。傍從右壁入深圻。如鐵戶限瓊爲檐。儼然海相挂珠絡。熟視豈信非夸傳。左爲朝真正面入。便想笙鶴遨羣仙。雲霞波濤仙衣裳。奇詭豈必下洞專。欻然修梁架巖起。左右蒼白龍形全。望中極底勝漆黑。雙扉隱隱啓半邊。天光一道燭扉內。知此明罅從何穿。窗深壁峭不可往。安得插羽如飛鳶。嗟余茲遊尙牽俗。身所驟歷辭難宣。但思乞水學坡老。洗眼看字

消餘年。是夕僧懷玉同歸西鹿田寺。止宿。寺丈室後有奇石峭立罅坼間可行。林泉幽勝特甚。默成先生潘公大書其處云。余往來南北兩山。餘二十年。獨未曾至鹿田。紹興七年四月十七日。同智者長老法銓來于崎嶇險隘之中。得虛曠寬閒之地。修篁喬木。巨石瀑泉。氣象雄偉。此蓋未之見。不獨甲于金華也。自是評吾鄉山水。以此爲第一云。其丈室遂榜第一軒。上爲思賢閣。是夜聽雨軒中。二十二日壬寅。曉霽。過東鹿田寺。廊廡列詩石。內有葉丞相衡集杜五言四韻。其二聯云。水花分塹弱。山木抱雲稠。更宿招提境。還從惠遠遊。又僧舍壁閒有郡倅金陵吳琳題詩。中一聯云。雲暗雨來疑是夜。山深寒在不知春。潛齋王公嘗和其後。行數里。至潛齋所營山橋。穆陵御書山橋書堂四大字。下有懶瓚巖。巖上有亭。亭之西有石筍。又旁巖臨溪爲亭臺。遠望州城。城中之塔。鑽小雙溪如篆紋。路口有亭。扁北山。今亭臺皆蕪廢。既下山。王謝道士登山取別。往歸赤松。至潛岳寺前。帝臣審言同入城。詔卿、皋羽、續古、肖翁取赤松源口虎頭巖下。道遇雨。抵上坦旅宿。二十三日癸卯。曉霽。近午度太陽嶺。晚宿柳時聲居。聖傳之蘭溪。留詩以待。續古先歸。二十四日甲辰。過松巖陳粹翁。午與皋羽別。晚復雨。二十五日乙巳。詔卿父子回抵吳氏書塾。客有問金華勝遊者。詔卿以詩敘其槩云。赤松上下雨霏微。八詠樓頭重拂衣。西港晴來汀草長。北巖幽處洞泉飛。風敲定磬鹿春過。月滿丹臺鶴夜歸。歷覽因知古詞客。盛誇雲夢未全非。皋羽歸後。作金華洞人物古蹟記。